

御纂醫宗金鑑卷四十二

編輯雜病心法要訣目錄

瘧疾

霍亂

嘔吐噦

翻胃噎膈

泄瀉

痢疾

黃疸

積聚

疝

疝

疝

疝

疝

疝

疝

疝

疝

御纂醫宗金鑑卷四十二

編輯雜病心法要訣

瘧疾總括

夏傷於暑舍營內秋感寒風并衛居此時或爲外邪束暑汗無出病瘧疾

註

經曰瘧瘧皆生於風謂四時病瘧未有不因風寒外束暑

邪內伏者也又曰瘧者風寒之氣不常也此言此時病瘧者也又曰夏傷於暑秋爲瘧瘧又曰夏暑汗不出者秋成風瘧謂夏傷於暑其邪甚者卽病暑其邪微者則舍於營復感秋氣寒風與衛并居則暑與風寒合邪始成瘧病也

其不卽病傷寒者亦以有暑邪預伏於營中也蓋有風無暑惟病風有暑無風惟病暑必風暑合邪始病瘧也

曰作間作

瘧隨經絡循伏脅深入脊內注伏衝橫連膜原薄藏府會衛之時正邪爭得陰內薄生寒慄得陽外出熱蒸蒸邪淺曰作曰會衛邪深間作衛遲逢

註

瘧氣之邪伏藏於營隨其經絡循脊脅之表而下此初病

邪淺傳舍之次也其邪深者則入脊脅之內伏注於衝脈橫連諸經脂膜之原內及藏府此邪漸深傳舍之次也衛氣者一曰一夜周於身每至明且則出足太陽精明大會

於風府腠理乃開開則所客營衛之邪入邪入得陰內薄則生寒得陽外出則生熱內外相薄邪正交爭而病乃作也病初邪淺者衛行未失常度其邪日與衛會故日作也病久邪深者衛行遲失常度其邪不能日與衛會故間日乃作也時有間二日間三日或至數日作者亦衛氣行愈遲會愈遲故作愈遲也

瘧晝夜作

衛不循經行脈外陽會晝發陰夜發邪退自然歸陽分病進每必入陰家

註營氣循經而行脈中衛氣不循經而行脈外惟日行於三

陽夜行於三陰故邪在三陽之淺者則晝發邪在三陰之深者則夜發病邪將退者夜發退爲晝發此爲去陰就陽則病欲已也病邪漸進者晝發進爲夜發此爲去陽入陰則病益甚也

瘧蚤晏作

衛氣平旦會風府邪傳日下一節間從頭循下故益晏下極復上蚤之緣

註

衛氣流行每日平旦會於風府而邪氣中人從頭項歷風府下循背腰日下傳脊之一節邪與衛會日晚故作日益晏也邪傳下極骶衝其氣復上行邪與衛會日蚤故作日

益蚤也

瘧疾治法

瘧初氣實汗吐下表裏俱清用解方清解不愈方可截久瘧形虛補自當

計

瘧初氣實均宜汗吐下有表裏證汗下之胸滿嘔逆有飲者吐之表裏俱清宜用和解清解不愈表裏無證可用截藥止之久瘧形羸氣虛宜用補劑自當然也

桂麻各半湯

瘧初寒熱兩平者桂麻各半汗方療汗少寒多麻倍入汗多倍

桂熱加膏

註

瘧病初起寒熱不多不少兩平者左桂麻各半湯汗之汗少寒多熱少者倍麻黃湯汗之汗多寒少熱平者倍桂枝湯汗之熱多者更加石膏

麻黃羌活湯

桂枝羌活湯

麻黃羌活加半夏湯

白虎湯

白虎桂枝湯

柴胡白虎湯

柴胡桂枝湯

寒多寒瘧而無汗麻黃羌活草防尋熱多有汗爲風瘧減麻添桂嘔半均先熱後寒名溫瘧白虎汗多合桂君瘧瘧但熱柴白虎牝瘧惟寒柴桂親

註

此皆諸瘧初起之汗法也先傷於寒後傷於風先寒後熱寒多熱少無汗謂之寒瘧宜用麻黃羌活湯卽麻黃羌活防風甘草也先傷於寒後傷於風先寒後熱熱多寒少有汗謂之風瘧宜用桂枝羌活湯卽桂枝羌活防風甘草也二證嘔者均加半夏先傷於風後傷於寒先熱後寒謂之溫瘧宜用白虎湯汗多合桂枝湯陽氣盛陽獨發則但熱而不寒謂之瘧瘧宜用柴胡白虎湯卽小柴胡合白虎湯

也陰氣盛陰獨發則但寒而不熱謂之牝瘧宜用柴胡桂枝湯即小柴胡合桂枝湯也

草果柴平湯

大柴胡湯

食瘧痞悶噫惡食草果小柴平胃宜瘧裏便鞭大柴下消檳果
枳量加之

註

因食而病瘧者則痞悶噫氣惡食宜小柴胡合平胃散加
草果清之凡瘧有裏不清便鞭者宜大柴胡湯加芒消厚
朴草果檳榔下之

清脾飲

瘧疾已經汗吐下清解未盡寒熱方清脾白朮青朮果小柴參
去入苓薑氣虛加參痰喘半飲多宜逐倍薑榔渴熱知膏天花
粉食滯麥麴濕澤蒼

註

瘧疾已經或汗或吐或下表裏無證法當清解宜用清脾
飲和之卽白朮青皮厚朮草果柴胡黃芩半夏甘草茯苓
生薑也氣虛者加人參痰多者加橘紅倍半夏飲多者倍
生薑加檳榔渴熱者加知母石膏天花粉食滯者加麥芽
神麴濕盛者加澤瀉蒼朮

久瘧虛瘧勞瘧

久瘧氣虛脾胃弱四獸益氣等湯斟勞瘧驚甲十全補熱除蒼

桂入柴芩

註

久患瘧疾形氣俱虛脾胃弱不思食宜用四獸飲補中益氣等湯斟酌兩治之久病勞損氣血兩虛而病瘧疾者名曰勞瘧宜用十全大補湯倍加鱉甲熱盛者除去黃耆肉桂加柴胡黃芩也

柴胡截瘧飲

蜜佗僧散

諸瘧發過三五次表裏皆清截法先未清截蚤發不已已清不截正衰難截虛柴胡截瘧飲小柴梅桃檳常山截實不二佗僧散燒酒冷調服面南

凡瘧按法治之發過三五次表裏無證當先以截瘧藥截之若表裏未清截蚤則瘧疾必復發之不已表裏已清不截則正衰邪盛而難治也截不足人之瘧宜用小柴胡湯加常山檳榔烏梅桃仁薑棗煎併滓露一宿次日發前一二時小溫服惡心以糖拌烏梅肉壓之截有餘人之瘧宜用不二飲全方或蜜陀僧細末大人七分小兒量之冷燒酒調面南如前法服之一服不愈再服必止戒鷄魚豆腐麵食羹湯熱粥熱物

瘧瘧母

瘧瘧經年久不愈瘧母成塊結癖癥形實控涎或化滯攻後餘

法與前同

註

瘡瘡經年不愈之老瘡也瘡母久瘡腹中成塊癖也形實
宜用控涎丹以攻痰飲或用化滯丸以攻積滯攻後之餘
法與前所治瘡法同也

桂枝麻黃柴胡四物去杏仁加桃仁湯

瘡在夜發三陰瘡桂麻柴物杏易桃鬼瘡尸注多惡夢恐怖蘇
合效功高

註

瘡在夜發名曰三陰瘡疾初熱宜用桂枝湯麻黃湯小柴
胡湯四物湯方合劑以杏仁易桃仁增損汗之汗解之後
餘同前法鬼瘡亦多在夜發由尸氣注之比三陰瘡疾則

夜多惡夢時生恐怖宜用蘇合香丸治之

霍亂總括

揮霍變亂生倉卒心腹大痛吐利兼吐瀉不出乾霍亂舌卷筋
縮入腹難

註欲吐不吐欲瀉不瀉心腹大痛名曰乾霍亂又名攪腸痧

若舌卷筋縮則卵陰入腹難治也

霍香正氣散

二香湯

甘露飲

霍亂風寒暑食水雜邪爲病正氣方藿蘇陳半茯苓芷桔腹
皮厚朴當轉筋木瓜吳萸入暑合香薷濕入蒼暑熱六一甘露
飲寒極烏附理中湯

註

霍亂之病得之於風寒暑食水邪雜揉爲病亂於腸胃清
濁相干故心腹大痛吐瀉也藿香正氣湯卽藿香蘇葉陳
皮半夏茯苓甘草白芷桔梗大腹皮厚朴也暑則吐多合
香薷飲名二香湯濕則瀉多加蒼朮暑熱甚者用辰砂六
一散或五苓散加石膏滑石寒水石名甘露飲寒極肢厥
脈伏者用炮川烏炮川附合理中湯